



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;
Telefoni-Centrala: 00387 35 870-600; 875-010; Fax: 00387 35 875-166
Rješenje Kantonalnog suda Tuzla br: U/I-0891/98. ID PDV broj: 209329530001
Identifikacijski broj: 4209329530001 Porezni broj: 03421100



www.rmub.ba

Broj: 14767/17
Datum: 29.11 2017. godine

Na osnovu člana 69. stav (2) tačka d., člana 25. i 70. st. (1), (4) i (6) Zakona o javnim nabavkama („Sl. glasnik BiH“ broj 39/14), člana 82 Statuta RMU Banovići d.d. Banovići broj: 317/16 od 11.01.2016. godine i čl.34 Pravilnika o javnim nabavkama roba, usluga i radova broj 5764/15 od 13.05.2015. godine na Preporuku Komisije za javnu nabavku broj: a-P-136aZCb/17 od 28.07.2017. godine u postupku javne nabavke: NABAVKA, PROJEKTOVANJE I UGRADNJA MOSNE DIZALICE NOSIVOSTI 5 TONA, Ugovorni organ RMU „Banovići“ d.d. Banovići donosi

ODLUKU o poništenju postupka javne nabavke

Član 1.

Poništava se postupak javne nabavke **NABAVKA, PROJEKTOVANJE I UGRADNJA MOSNE DIZALICE NOSIVOSTI 5 TONA” broj nabavke C-R-I 04/17** iz razloga:
Nijedna od primljenih ponuda nije prihvatljiva.

Član 2.

Za izvršenje ove odluke zadužuje se i ovlašćuje Komercijalni sektor.

Član 3.

Ova odluka objavit će se na web-stranici www.rmub.ba.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 5302/17 od 13.03.2017. godine. Javna nabavka je sprovedena otvorenim postupkom. Procijenjena vrijednost javne nabavke bez PDV-a je 80.000,00 KM.

Obavještenje o nabavci broj: 565-1-1-221-3-73/17 objavljeno je na Portalu javnih nabavki dana 14.03.2017. godine, sažetak obavještenja o nabavci objavljen je u Sl. glasniku BiH, broj 19/17 od 17.03.2017. godine.

Komisija za javnu nabavku imenovana je Rješenjem broj: 5373/17 od 14.03.2017. godine.

Komisija za javnu nabavku dostavila je Direktor Društva Zapisnik o ponovnom pregledu i ocjeni ponuda broj: a-136aZCb/17 od 28.07.2017. godine, Preporuku o poništenju broj: a-P-136aZCb/17 od 28.07.2017. godine i Izvještaj o radu broj: a- I-136aZC/17 od 28.07.2017. godine u postupku javne nabavke C-R-I 04/17

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: 3
- da su blagovremeno zaprimljene 3 ponude,
- da nije bilo neblagovremeno primljenih ponuda,
- da su ponude ponuđača Konzorcij: NITAL d.o.o. ZENICA i RUD- PROM d.o.o. TUZLA, Konzorcij: SEMING d.o.o. GRAČANICA, ERAX-INVEST d.o.o. BANOVIĆI i RUDAR d.o.o. TUZLA I ponuđača Konzorcij: ELCOM d.o.o. TUZLA, RUDARSKI INSTITUT d.d. TUZLA, FINING d.o.o. GRAČANICA i TEHNOPIETROL d.o.o. TUZLA, nekvalifikovane i neprihvatljive.

Ponuda ponuđača Konzorcij: NITAL d.o.o. ZENICA i RUD- PROM d.o.o. TUZLA nije kvalifikovana iz sljedećih razloga:

- Nije dostavljen dokaz da ponuđač ima odobrenje za vršenje elektro i mašinskih poslova u rudarstvu. Dostavljen je samo dokaz da može vršiti izradu, remont i održavanje hidrotehničkih objekata (dubinskih bunara, mtehničkih bušotina), koji služe za zaštitu rudnika od voda, a što nije u skladu sa zahtjevom iz tačke 7.4.2 a).

Ponuda ponuđača Konzorcij: SEMING d.o.o. GRAČANICA, ERAX-INVEST d.o.o. BANOVIĆI i RUDAR d.o.o. TUZLA nije kvalifikovana iz sljedećih razloga:

- Nije izvršeno usklađivanje Rješenja federalnog ministarstva člana Konzorcija Rudar d.o.o. Tuzla dostavljenog na strani 100 i 101 ponude sa novom klasifikacijom djelatnosti iz 2010.godine u kojoj djelatnost 74.200 Arhitektonske i inženjerske djelatnosti i tehničko savjetovanje i to: Izrada, revizija i izvedba ne postoji, što znači da nije izvršio usklađivanje djelatnosti sa novom odlukom o usklađivanju djelatnosti iz 2010.g
- Član Konzorcija Rudar d.o.o. Tuzla nije dostavio odobrenje Federalnog ministarstva nakon promjene organizacionog oblika odnosno nakon promjene iz D.D u D.O.O.
- Iz dostavljene potvrde broj: 63/17 na strani 57. utvrđeno je da se izdavalac potvrde poziva na drugi broj postupka javne nabavke a ne na predmetni postupak javne nabavke.
- Izjave po članu 45. 47. i 52. ZJN BiH nisu popunjene kako je to zahtijevano TD.
- U ponudi je rok isporuke dat u radnim danima te ugovorni organ ne može utvrditi tačan broj dana koji se odnosi na rok isporuke a isti je potkriterij za vrednovanje ponuda.
- U obrascu za cijenu ponude nije navedena valuta i ispravke koje su vršene nisu vršene u skladu sa tačkom 8.1.4. TD.
- Ugovor o konzorciju ne sadrži datum zaključenja istog.
- Koverta Ponude nije dostavljena kako je propisano u dijelu koji se odnosi na „Naziv ponuđača“ iz razloga što je ponuđač naveo samo lidera Konzorcija a nije naznačio da se radi o konzorciju i nije naveo članove konzorcija.

Ponuda ponuđača Konzorcij: ELCOM d.o.o. TUZLA, RUDARSKI INSTITUT d.d. TUZLA, FINING d.o.o. GRAČANICA i TEHNOPETROL d.o.o. TUZLA nije kvalifikovana iz sljedećih razloga:

- Tačkom 7.1.4. predmetne tenderske dokumentacije je propisano: „Dokumenti ili uvjerenja navedena u tački 7.1.3 ne smiju biti stariji od 3 mjeseca računajući od trenutka dostavljanja ponude, a dostavlja ih izabrani ponuđač u roku ne dužem od 5 dana od dana prijema odluke o izboru najpovoljnijeg ponuđača. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 15:00 sati), te za ugovorni organ nije relevantno na koji su način poslani. Dokazi koji se zahtjevaju moraju biti originali ili ovjerene kopije. Za ponuđače koji imaju sjedište izvan BiH ne zahtjeva se posebna nadovjera dokumenata. U slučaju sumnje o postojanju okolnosti koje su definisane tačkom 7.1.1 tenderske dokumentacije, ugovorni organ će se obratiti nadležnim organima s ciljem provjere dostavljene dokumentacije i date Izjave iz tačke 7.1.2. Naime, uvidom u dostavljene dokaze po članu 45. od strane člana konzorcija Fining d.o.o. Gračanica Ugovorni organ je utvrdio da su isti izdati od nadležnih institucija nakon roka za dostavljanje ponuda odnosno nakon 12.04.2017. godine. Iz navedenog proizilazi da izabrani ponuđač odnosno član konzorcija Fining d.o.o. Gračanica u ponudi je dostavio Izjavu po članu 45. Zakona a da u tom momentu nije posjedovao dokaze kojima bi dokazao vjerodostojnost date izjave.
- Član grupe konzorcija Fining d.o.o. Gračanica je u ponudi dostavio Izjavu po članu.45 ZJN BiH na kojoj nije stavljen pečat na mjestu označenom kao „mjesto pečata“ što nije u skladu sa tenderskom dokumentacijom.

U postupku ocjene provedenog postupka, Ugovorni organ RMU „Banovići“ d.d. Banovići nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna primljena ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d., člana 25., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke („Sl. Glasnik BiH“ broj: 103/14), člana 82. Statuta RMU Banovići d.d. Banovići broj: 317/16 od 11.01.2016.godine i člana 34. Pravilnika o javnim nabavkama roba, usluga i radova broj 5764/15 od 13.05.2015.godine, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: RMU „Banovići“ dd Banovići, Ul. Armije BiH 52, 75290 Banovići. Žalba se podnosi najmanje u 3 (tri) primjerka.

DOSTAVLJENO:

- Ponuđačima
- Komisija
- a/a.

DIREKTOR



Dr. sci. Munever Cergić dipl. inž. rud.

Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
187 2000 000 044917 Postbank BH d.d. Sarajevo, filijala Živinice
154 3602 003 310866 Intesa Sanpaolo banka d.d. BiH

306 0450 000 163538 Hypo Alpe Adria bank Bosnia d.d.
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar
555 0530 049 467130 Nova banka AD Banja Luka, ekspozit. Tuzla